

6773



ՀԱՍՏԱՏՈՒՄ ԵՄ՝

Շրջակա միջավայրի նախարար

Հակոբ Սիմիդյան

«13» 06 2025 թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 173 - 25

Նախաձեռնող՝

«ՕՐԻԵՆԹ ՍԹՈՆ» ՍՊԸ

Երևան, Շիրակի փ., 92/1

Գործունեությունը՝

Արարատի տրավերտինների և կավերի հանքավայրի
«Մ.Գ.Սթոուն» տեղամասում օգտակար հանածոյի
արդյունահանում

Արարատի մարզ

Առդիր՝ 4 թերթ

**ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ**

ԲՓ № 173 - 25

«13» հունիսի 2025 թ.

**«Օրինթ Սթոն» ՍՊԸ-ի կողմից Արարատի մարզի Արարատի տրավերտինների
և կավերի հանքավայրի «Մ.Գ.Սթոուն» տեղամասի օգտակար հանածոյի
արդյունահանման աշխատանքների շրջակա միջավայրի վրա ազդեցության
գնահատման հաշվետվություն**

Նախաձեռնող՝

«Օրինթ Սթոն» ՍՊԸ

Փաստաթղթերի փաթեթ՝

Շրջակա միջավայրի վրա ազդեցության
գնահատման հաշվետվություն,
նախագծային փաստաթղթեր

Գործունեության տեսակ՝

«Ա» կատեգորիա

Գտնվելու վայրը՝

Արարատի մարզ, Արարատ համայնք,
Ավշար բնակավայր

Ներածական մաս. «Օրինթ Սթոն» ՍՊԸ-ի կողմից նախատեսվում է Արարատի մարզի Արարատի տրավերտինների և կավերի հանքավայրի «Մ.Գ.Սթոուն» տեղամասում (այսուհետ՝ տեղամաս) իրականացնել օգտակար հանածոյի արդյունահանում: Համաձայն «Շրջակա միջավայրի վրա ազդեցության գնահատման և փորձաքննության մասին» օրենքի 12-րդ հոդվածի 3-րդ մասի 2-րդ կետի «թ» ենթակետի՝ նախատեսվող գործունեությունը «Ա» կատեգորիայի գործունեության տեսակ է:

Նկարագրական մաս. Արարատի տրավերտինների և կավերի հանքավայրի «Մ.Գ.Սթոուն» տեղամասը գտնվում է Արարատի մարզի Արարատ համայնքի Ավշար բնակավայրում և տեղակայված է Վանաշեն գյուղի բնակելի շինություններից՝ 1,4 կմ, Վեդի քաղաքի շինություններից՝ 2,6 կմ, Գոռավան բնակավայրի շինություններից՝ 2,9 կմ և Այգավան բնակավայրի շինություններից՝ 2,4 կմ հեռավորությունների վրա: Ավշար բնակավայրը գտնվում է հայցվող տարածքից մոտ 3,1 կմ հեռավորության վրա: Հանքավայրը Արարատ և Վեդի քաղաքների, Գոռավան և Վանաշեն գյուղերի հետ կապված է գրունտային և ասֆալտապատ ճանապարհներով, իսկ բնակավայր Երևանի հետ՝ ավտոմայրուղիով և երկաթուղով (մոտ 53կմ): Տեղամասից մոտ 0,9 կմ



հեռավորության վրա գտնվում են Վեդի-Գոռավան-Արարատ-Հ8 տեղական նշանակության, մոտ 1,7 կմ հեռավորության վրա՝ S-2-48 և 2,2 կմ հեռավորության վրա՝ Հ-10 հանրապետական նշանակության ավտոճանապարհները:

Բացահանքի կոորդինատները ARM WGS-84 համակարգով ներկայացված են ստորև՝

	X	Y
1	4416919.0467	8474532.6771
2	4416909.6500	8474672.1100
3	4416655.0300	8474657.7600
4	4416650.8200	8474586.7300
5	4416646.2990	8474568.4676

Տեղամասի կենտրոնի աշխարհագրական կոորդինատներն են՝ 39°53'2.91" հյուսիսային լայնության, 44° 42'12.69" արևելյան երկայնության:

Բացահանքի վերջնական եզրագծի պարամետրերն են՝

- առավելագույն երկարությունը՝ 275,0 մ,
- առավելագույն լայնությունը – 140,0 մ,
- մշակվող տրավերտինների հաստաշերտի միջին հզորությունը – 17,125 մ,
- բացահանքի առավելագույն խորությունը՝ 55 մ,
- բացահանքի օտարման մակերեսը՝ 3,0 հա,
- տրավերտինների հաշվեկշռային պաշարները՝ 514240 մ³,
- տրավերտինների կորզվող պաշարները՝ 437104 մ³,
- ցեմենտի հումքի հաշվեկշռային պաշարները՝ 213760 մ³,
- ցեմենտի հումքի կորզվող պաշարները՝ 181696 մ³:

Արդյունահանումը նախատեսվում է իրականացնել ընդլայնական ընթացաշերտով, միակողմնական համակարգով:

Նախատեսվող գործունեության ՇՄԱԳ հաշվետվությունը կազմվել է «Շրջակա միջավայրի վրա ազդեցության գնահատման և փորձաքննության մասին» օրենքի պահանջներին համապատասխան: Հաշվետվությունում նախատեսվել են շրջակա միջավայրի վրա ազդեցությունները մեղմացնող մի շարք բնապահպանական միջոցառումներ, որոնք ներառվել են բնապահպանական կառավարման պլանում:

Պատճառաբանական մաս. Նախատեսվող գործունեության փորձաքննությունն իրականացվել է «Շրջակա միջավայրի վրա ազդեցության գնահատման և փորձաքննության մասին» օրենքի պահանջներին համապատասխան:

Փորձաքննական գործընթացում հաշվետվության վերաբերյալ «Շրջակա միջավայրի վրա ազդեցության գնահատման և փորձաքննության մասին» օրենքով սահմանված կարգով պետական կառավարման մարմիններից, տեղական ինքնակառավարման մարմիններից և շրջակա միջավայրի նախարարության ստորաբաժաններից ստացվել են կարծիքներ, դիտողություններ և առաջարկություններ: Ստացված կարծիքներն ամփոփվել են, ներկայացվել են մի շարք դիտողություններ և հաշվետվությունն ուղարկվել է լրամշակման:



Պետական փորձաքննական եզրակացությունը կազմվել է հիմք ընդունելով հետևյալ փորձաքննական հիմնավորումները՝

1. Թախտաջանի անվան բուսաբանության ինստիտուտի կարծիքի համաձայն՝ տարածքում հանդիպում են *Salsola tamamschjanae*, *Rhinopetalum gibbosum*, *Iris elegantissima* և *Crambe armena* ՀՀ բույսերի Կարմիր գրքում գրանցված տեսակները: *Crambe armena* բուսատեսակը ընդգրկված է նաև Բնության պահպանության միջազգային կարմիր ցուցակում: Ընկերությանը առաջարկվել է իրականացնել լրացուցիչ ուսումնասիրություններ նշված բուսատեսակների առկայությունը հայցվող տարածքում հերքելու նպատակով, սակայն ներկայացված եզրակացությունում, որը տրվել է «Բիոգամա» ընկերության մասնագետի կողմից, ևս նշվել է, որ հետազոտություններ իրականացնելու և ճշգրիտ տվյալներ ստանալու համար անհրաժեշտ է հաշվի առնել բույսերի վեգետացիոն շրջանների առանձնահատկությունները և հետազոտություններն իրականացնել վեգետացիայի ողջ շրջանում: Ընդերքի մասին օրենսգրքի 26-րդ հոդվածի 1-ին մասի 3-րդ կետի համաձայն՝ ընդերքի առանձին տեղամասերի օգտագործումն արգելվում է Հայաստանի Հանրապետության օրենսդրությամբ սահմանված կարգով՝ շրջակա միջավայրի պահպանության տեսանկյունից, եթե հայցվող ընդերքի տեղամասի վրա գտնվող հողամասում կան Հայաստանի Հանրապետության կարմիր գրքում գրանցված բույսեր:

2. Համաձայն շրջակա միջավայրի նախարարության ԲՀՊՏ վարչության կողմից ներկայացված կարծիքի՝ ըստ քարտեզագրական նյութերի հայցվող տարածում և հարակից տարածքներում հանդիպում են ՀՀ կենդանիների Կարմիր գրքում գրանցված՝ Արաքսյան չրխկան, Միջերկրածովյան կրիա և Սեմյոնովի սևամարմին տեսակները: Կենդանաբանության և հիդրոէկոլոգիայի գիտական կենտրոնի կողմից նախատեսվող գործունեության վերաբերյալ ներկայացվել է բացասական դիրքորոշում՝ հիմք ընդունելով այն հանգամանքը, որ հաշվետվությունում անողնաշարավոր կենդանիների վերաբերյալ տվյալները խիստ թերի են՝ բացակայում են անողնաշարավոր կենդանիների տեսակային բազմազանության վերաբերյալ տվյալները: Հայցվող տարածքում Արաքսյան չրխկան (*Cardiophorus araxicola*) Սեմյոնովի սևամարմին (*Cyphostethes semenovi*) տեսակների կայուն պոպուլյացիաների հնարավոր առկայության կամ բացակայության վերաբերյալ կարելի է դատել միայն տարածքում համապատասխան հետազոտություններ իրականացնելուց հետո: Լրամշակված հաշվետվությունը ևս ուղարկվել է կարծիքի Կենդանաբանության և հիդրոէկոլոգիայի գիտական կենտրոնին, որին ի պատասխան նշվել է, որ դիտողությունները չեն լրամշակվել:

3. Համաձայն «Շրջակա միջավայրի վրա ազդեցության գնահատման և փորձաքննության մասին» օրենքի 17-րդ հոդվածի 14-րդ կետի՝ պետական փորձաքննական եզրակացությունը կազմվում է՝ հիմք ընդունելով հաշվետվությունների ամբողջականությունը և համապատասխանությունը նախագծային փաստաթղթին: Նախագծում և հաշվետվությունում մակաբացման ապարների վերաբերյալ ներկայացված են հակասական տեղեկություններ՝ հաշվետվությունում նշվել է, որ մակաբացման ապարները բացակայում են, սակայն նախագծում նշվել է, որ մակաբացման ապարները բացահանքում կազմում են 64411 մ³:



ԵԶՐԱՓԱԿԻՉ ՄԱՍ

Հիմք ընդունելով «Ընդերքի մասին օրենսգրքի 26-րդ հոդվածի 1-ին մասի 3-րդ կետը և հաշվի առնելով վերը նշված հիմնավորումները՝ Արարատի մարզի Արարատի տրավերտինների և կավերի հանքավայրի «Մ.Գ.Սթոուն» տեղամասի օգտակար հանածոյի արդյունահանման շրջակա միջավայրի վրա ազդեցության գնահատման հաշվետվությանը տրվում է բացասական եզրակացություն:

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի ժամանակավոր պաշտոնակատար՝

Սևակ Մարկոսյան

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի տեղակալ՝

Հերիքնազ Մկրտչյան

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
գլխավոր մասնագետ՝

Քրիստինե Հարությունյան